



**2019**

**2020**

**ՈՒՍՈՒՄՆԱԿԱՆ ՏԱՐՎԱ  
ՀԱՇՎԵՏՎՈՒԹՅՈՒՆ**



# ԲՈՎԱՆ ԴԱԿՈՒԹ ՅՈՒՆ

[WWW.AYBSCHOOL.AM](http://WWW.AYBSCHOOL.AM)

<b>ՏԱՐԻՆ՝ ԳՈՐԾԵՐՈՎ</b>	<b>01</b>
<b>ՊԱՏՄՈՒԹՅՈՒՆ ԵՎ ԱՌԱՔԵԼՈՒԹՅՈՒՆ</b>	<b>03</b>
<b>ԿՐԹՈՒԹՅԱՆ ՃԱՐՏԱՐԱՊԵՏՈՒԹՅՈՒՆ</b>	<b>05</b>
Կրթական ժրագիր. Արարատյան բակալավրիատի սկզբունքները Առարկայացանկ և նախագծային ուսումնառություն	
<b>ՀԱՄԱՅՆՔ. ՄԻՋԱՎԱՅՐ ԵՎ ՄԱՐԴԻԿ</b>	<b>15</b>
Հոգաբարձուների խորհուրդ Խորհրդատվական խորհուրդ Ուսուցիչներ և անձնակազմ Աշակերտներ Մտղներ Շրջանավարտներ	
<b>ԴՊՐՈՑԻ ԿՅԱՆՔԸ</b>	<b>29</b>
Իրադարձություններ Հանդիպումներ Նվաճումներ Կարևոր փաստեր Վիճակագրություն	
<b>ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆ</b>	<b>39</b>
<b>ԿՐԹԱԹՈՇԱԿԱՅԻՆ ՀԱՄԱԿԱՐԳ</b>	<b>41</b>
<b>ԻՆՉՊԵՍ ԱՋԱԿՑԵԼ ԴՊՐՈՑԻՆ</b>	<b>43</b>
<b>ԲԱՐԵՐԱՌՆԵՐԻ ՑԱՆԿ</b>	<b>46</b>




**տարին՝**

**գործերով**

«Այբ» դպրոցն ունենալու է  
փայլուն ապագա, էլ ավելի  
ոգևորիչ և պայծառ ...

ԱՐԱՄ ՓԱԽՉԱՆՅԱՆ  
«Այբ» դպրոցի գործադիր տնօրեն



Լինում են շրջադարձային տարիներ: Լինում են օրեր, երբ ամեն բան խառնվում է իրար, և ապագան դառնում է մշուշոտ, ծածկվում է անորոշության շղարշով: Ցանկացած այլ կառույցի համար դա կլինեի մեծ փորձություն, բայց ոչ դպրոցի: Իսկական դպրոցը պետք է բերկրանք ապրի, երբ իր առջև խնդիրներ են ծառայում: Պետք է ուղախանա և ոգևորվի կտրուկ փոփոխությունների պահին, քանի որ կրթության իմաստը հենց դրանում է՝ լինել մշակույթը դեպի ապագան տանող նավը, որը չունի նավահանգիստ, և որի փարոսը ոչ թե անցյալում է, այլ՝ մշտապես ապագայում:

Անցած ուսումնական տարին կարծես չէր խոստանում որևէ անակնկալ: Բայց անակնկալը հենց նրանով է այդպիսին, որ այն ի հայտ է գալիս առանց խոստման: Այն թակում է քո դուռը, դառնում քո կյանքի մասը և պարտադրում մտածել, ստեղծագործել, փոխվել և կատարելագործվել:


Փորձությունները նման են անձրևի. առաջին հայացքից դրանք անախորժ են, սակայն անհրաժեշտ են զարգացման համար, ինչպես անձրևը՝ պարարտ հողին, որպեսզի նոր ծիլեր տա և նոր կյանք սկսվի: Այդ անակնկալ «անձրևը» եկավ ծմռան ավարտին՝ աչքի համար անտեսանելի վտանգավոր թշնամու տեսքով, պարտադրելով բոլորին անցնել առցանց կրթության, փակելով բազմաթիվ դռներ և անգամ ամբողջ երկրներ: Եվ այդ դժվար օրերին մեզանում ավելի ամրացավ ծգտումը ստեղծելու մի նոր կրթական իրականություն, որի համար չեն կարող խոչընդոտ լինել ո՛չ փակ ճանապարհները, ո՛չ հեռավորությունները: Այն պիտի առաջ գնա 21-րդ դարի ճանապարհներով, որոնք կապում են վիրտուալ աշխարհը իրական աշխարհի հետ, և որոնցով է ընթանալու մարդկության ապագա զարգացումը:

Չայ ազգի համար, որը համասփյուռ է և միաժամանակ՝ կենտրոնացած իր հայրենիքում, շատ կարևոր է հնարավորինս արագ հաստատվել այս նոր իրողության մեջ, դարձնել այն իր գոյության, զարգացման և, հետևաբար, կրթության մասը: «Այբ»-ը մեծ քայլերով գնում է առաջ այդ նոր աշխարհում կատարելով զարմանալի բացահայտումներ, հաղթահարելով խոչընդոտներ, բայց նաև ստեղծելով և զարգացնելով այդ աշխարհը: Մենք հայտնվել ենք կարծես մի համակարգչային խաղում, ուր մենք ենք ստեղծում կանոնները և մենք ենք բացում ուղիները:

Կարծում եմ մենք փայլուն ամփոփեցինք այս դժվարին տարին: Դրանում մեծ ավանդ ունեցան դպրոցի բոլոր ուսուցիչները և աշխատակիցները, մեր աշակերտները և նրանց ծնողները: Այս հաջողությունն անհնարին կլինեի առանց մեր բարերարների շարունակական աջակցության, որն առանձնապես որոշիչ էր և միաժամանակ ոգևորիչ՝ համավարակով պայմանավորված տնտեսական բարդ դրության պայմաններում: Մի խոսքով՝ այս հաղթանակը պատկանում է մեր ողջ համայնքին:

Եվ այստեղ նորից պետք է արտահայտեմ այն նույն միտքը, որը ինչպես եմ բազմիցս. մարդկության ստեղծած ամենապայծառ, ամենաոգևորիչ և կայուն երևույթը մի զաղափարի շուրջ համախմբված մարդկանց համայնքն է, որն ամբողջի պես պարսպում է իր մեջ բարձրագույն արժեքներ, տալիս իր անդամներին կայուն աջակցության միջավայր, սակայն նաև բաց է դեպի աշխարհ, դեպի նոր իրողություններ և նոր փորձառություններ: «Այբ» դպրոցի համայնքը հենց այդպիսին է, և դա մեր ամենամեծ ծեղրբերումն է: Պատիվ է պատկանել այդ համայնքին, և հատուկ պատիվ է եղել ինձ համար վերջին վեց տարիների ընթացքում լինել դպրոցի առաջնորդը և այդ դերում պատասխանատվություն կրել դպրոցի համար՝ ամբողջ համայնքի առջև:

Այս տարին ևս մեկ անգամ համոզեց մեզ, որ «Այբ» դպրոցն ունենալու է փայլուն ապագա, էլ ավելի ոգևորիչ և պայծառ: Չամարձակ գնանք դեպի այդ ապագան, բացենք նոր դռներ և բացահայտենք նոր ճանապարհներ. դա է առաջնորդ դպրոցի առաջնությունը:



# պատմություն, առաքելություն

Համապատասխան միջավայր

Եզակի կրթական տեխնոլոգիաներ  
կրթության բարձրագույն ձեռքբերումներ

75% կրթաթոշակ ամեն տարի

«Այբ» դպրոցը վաղուց արդեն իր ուրույն տեղն ունի հայկական կրթական համակարգում: «Այբ»-ի սովորելու միջավայրը համապատասխանում է 21-րդ դարի ոգուն և պահանջներին: «Այբ»-ում ազգային հիմքի վրա մշակվում են եզակի կրթական տեխնոլոգիաներ և փորձարկվում ժամանակակից կրթության բարձրագույն ձեռքբերումները՝ նպաստելով հայկական կրթության մրցունակության մեծացմանը: «Այբ» դպրոցի նպատակն ու առաքելությունը ուսյալ, առաքինի, պատկանելության և պատասխանատվության զգացում ունեցող երիտասարդների սերունդներ ծնավորելն է:

«Այբ» դպրոցը նաև յուրօրինակ լաբորատորիա է՝ դասավանդման ու ուսումնառության լավագույն տեխնոլոգիաների ու մեթոդաբանության մշակման և կրթական համակարգերի ստեղծման համար:

«Այբ» դպրոցը բացվել է 2011 թվականին «Այբ» կրթական հիմնադրամի կողմից՝ կրթության զաղափարի շուրջ միավորված հարյուրավոր բարերարների ֆինանսական աջակցությամբ: «Այբ» դպրոցը կարգավիճակով հիմնադրամ է (պաշտոնական անունը՝ «Այբ կրթական հանգույց» հիմնադրամ) և հասարակական կառույց: Դպրոցը ղեկավարվում է հոգաբարձուների խորհրդի կողմից, չունի սեփականատերեր ու բաժնետերեր:

«Այբ» ավագ դպրոցը ոչ պետական ոլորտում առաջին սոցիալական ժրագիրն է Հայաստանում, և աշակերտների ավելի քան **75%**-ն ամեն տարի ստանում է կրթաթոշակ (ուսման վարձի փոխհատուցում):





## կրթության

# Նարտարապետություն

Արարատյան բակալավրիատ և սկզբունքներ

12-ամյա կրթություն՝ տարրական՝ 1-4-րդ,  
միջին՝ 5-9-րդ և ավագ՝ 10-12-րդ դասարաններ

Արարատյան բակալավրիատի փիլիսոփայությունը  
խարսխված է ութ սկզբունքների վրա:



«Այբ» դպրոցը 12-ամյա է՝ տարրական (1-4-րդ դասարաններ), միջին (5-9-րդ դասարաններ) և ավագ (10-12-րդ դասարաններ) բաղադրիչներով: «Այբ»-ում դասավանդումը կատարվում է «Արարատյան բակլավրիատ» (ԱԲ) հայկական կրթական ժրագրով, որը մշակվել է «Այբ» կրթական հիմնադրամի կողմից:

ԱԲ-ը համաշխարհային մակարդակով մրցունակ ուսումնական ծրագիր է, որի շնորհիվ հայ երեխաները, սովորելով հայկական դպրոցներում, հայերենով, ստանում են միջազգային բոլոր խստապահանջ չափանիշներին համապատասխան որակյալ կրթություն: ԱԲ-ի ավարտական հավաստագիրն ընդունելի ու ճանաչելի է թե՛ տեղական, թե՛ միջազգային բուհերի կողմից:

Արարատյան բակլավրիատի փիլիսոփայությունը խարսխված է ութ սկզբունքների վրա, որոնք արտահայտում են ԱԲ-ի դպրոցների ինքնությունը և ապահովում կրթական ծրագրերի իրականացման արդյունավետություն, մարդկային փոխհարաբերությունների ներդաշնակություն, սովորելու առողջ միջավայր և համայնքաշինական արժեքների սերմանում:

**1**   
**ԱՄԲՈՂՋԱՎԱՆՈՒԹՅՈՒՆ**

**2**   
**ԽՈՐԱՅՈՒՄ**

**3**   
**ԱՏԵՂՏԱՐԱՐՈՒԹՅՈՒՆ**

**4**   
**ԱՇԽԱՏԵԼՈՒ ԱՐՎԵՏ**

**5**   
**ԱՐԺԵՔՆԵՐ**

**6**   
**ՀԱՄԱՅՆՔ**

**7**   
**ՄԻՋԱՎԱՅՐ**

**8**   
**ԳՆԱՀԱՏԱՆՔ**

# ԿՐԹՈՒԹՅԱՆ ԾԱՐՏԱՐԱՊԵՏՈՒԹՅՈՒՆ

## ԱՄԲՈՂՋԱԿԱՆՈՒԹՅՈՒՆ

ԱԲ-ն ամբողջական կրթության ժրագիր է: ԱԲ-ի նպատակը համակողմանի զարգացած, հոգեպես հարուստ և առողջ անհատների ծնավորումն է:



## ԽՈՐԱՅՈՒՄ

ԱԲ-ն ընձեռում է յուրաքանչյուր առարկա խորությամբ ուսումնասիրելու հնարավորություն՝ առանց խախտելու կրթության համակողմանիության սկզբունքը:

## ԱՏԵՂԾԱՐԱՐՈՒԹՅՈՒՆ

Մարդու ստեղծագործական ներուժի արթնացումն արդյունավետ կրթության հիմքն է: ԱԲ-ը ծնավորում է այնպիսի միջավայր, որում սովորողները ճանաչելով ստեղծում են և ստեղծելով ճանաչում ներգրավվելով տարբեր առարկայական և միջառարկայական ժրագրերում:



## ԱՇԽԱՏԵԼՈՒ ԱՐՎԵՍ

ԱԲ-ի կրթական միջավայրն իր կրթական ռեսուրսներով, խորհրդատվական համակարգով, տեխնոլոգիական լուծումներով նպաստում և տրամադրում է աշխատանքի, ակտիվության և արդյունավետության:



## ԱՐԺԵՔՆԵՐ

ԱԲ-ն արժեքներ գնահատող և սերմանող ժրագիր է: ԱԲ-ի նպատակն է ծնավորել ոչ միայն գիտելիքներով զինված մարդ, այլև բարոյապես մաքուր, սեփական ինքնությանը հաղորդ, պատկանելության և պատասխանատվության գիտակցություն ունեցող քաղաքացի:



## ՄԻՋԱՎԱՅՐ

ԱԲ-ը ձգտում է ստեղծելու այնպիսի զաղափարական, ժամանակակից և հագեցած միջավայրեր, որոնք համակում են ապագայի հասանելիության զգացումով, բացում մարդու ներուժը՝ տրամադրելով սովորելու և արարելու:



«Այբ» դպրոցի փիլիսոփայությունն ամփոփված է դպրոցի նշանաբանում «Իմա եւ արա», գրաբարից թարգմանաբար՝ «Հասկացիր և արա»: Այս երկու սկզբունքները խորապես փոխկապակցված են, այսինքն՝ չկա ճանաչողություն առանց իրագործման, ոչ էլ արարում՝ առանց իմացական ձեռքբերման: Այս երկուսի համագործունը մեր կրթական փիլիսոփայության «ուկե կանոն» է:



## ՀԱՄԱՅՆՔ

ԱԲ-ը համայնքաշինական առաքելություն է: ԱԲ-ի ամենամեծ հարստություններից մեկը նրա շուրջ համախմբված մարդիկ են: ԱԲ-ը միավորում է կրթությամբ կայացած և կրթության մեջ ներդրում կատարելու ցանկություն ունեցող մարդկանց, ովքեր պատրաստ են նոր սերնդին կրթությամբ իրագործելու հնարավորություն տալու պատասխանատվություն ստանձնելու:




## ԳՆԱՀԱՏԱՆՔ

ԱԲ-ի դպրոցն արժևորման, հարգանքի և շնորհակալության միջավայր է:




Արարատյան բակալավորիատ

# ՀԻՄՆԱԿԱՆ ԴՊՐՈՑՈՒՄ ԴԱՍԱՎԱՆԴՎՈՂ ԱՌԱՐԿԱՆԵՐԻ ՑԱՆԿԸ



**ՏԱՐԱԿԱՆ ԴՊՐՈՑ**

**ՄԻՋԻՆ ԴՊՐՈՑ**



# ԱՎԱԳ ԴՊՐՈՑՈՒՄ ԴԱՍԱՎԱՆԴՎՈՂ ԱՌԱՐԿԱՆԵՐԻ ՑԱՆԿԸ



<sup>1</sup> Նախնական զինվորական պատրաստության դասընթացն իրականացվում է ուսումնառազմական բանակում:

<sup>2</sup> Համատեղ հավաստագրվում է Նաև Քեմբրիջի գնահատման և միջազգային կրթության կենտրոնի կողմից:

<sup>3</sup> Համատեղ հավաստագրվում է Նաև Քեմբրիջի գնահատման և միջազգային կրթության կենտրոնի կողմից:



🌟 «Այբ» ավագ դպրոցում մի շարք առարկաներ դասավանդվում են ստանդարտ և խորացված մակարդակներով:

# ՆԱԽԱԳԾԱՅԻՆ ՈՒՍՈՒՄՆԱԹՈՒԹՅՈՒՆ

ԱԲ-ի առարկայացանկի տարբերակիչներից է Նախագծային ուսումնառությունը (project-based learning), որն «Այբ» դպրոցում 2015 թ. ներդրված Նորարարական կրթական մոդել է՝ հիմնված «սովորել գործելով» սկզբունքի վրա: Այն կառուցում է ուսումնառությունը Նախագծերի շուրջ: Այս ժրագրի շրջանակում աշակերտները կազմում են թիմեր և իրականացնում մեծածավալ երկարաժամկետ Նախագծեր, որոնք ուղղված են իրական համայնքային խնդիրների լուծմանը: Նախագծերի իրականացման արդյունքում զարգանում են աշակերտների մի շարք կարևորագույն հմտություններ՝ թիմային աշխատանքը, բիզնես մտածելակերպը, պատասխանատվությունը, աշխատանքի պլանավորումն ու բաշխումը, ժամանակի կառավարումը, առաջնահերթությունների որոշումը և այլն: Նախագծային ուսումնառության շնորհիվ աշակերտները, փորձելով սեփական ուժերն այս կամ այն ոլորտում, հաճախ կողմնորոշվում են Նաև ապագա մասնագիտության ընտրության հարցում:





# ՏԱՐԻՆ ՆԱԽԱԳԾԱՅԻՆ ՈՒՍՈՒՄՆԱՌՈՒԹՅԱՆ ԱԿՈՒՄԲՆԵՐՈՒՄ

2019-2020 ուսումնական տարում ձևավորվեց նախագծային ուսումնառության 11 ակումբ: Համավարակի պատճառով նախագծերի շնորհանդեսների մեծ մասը տեղի ունեցավ առցանց, որոշ նախագծերի վերջնաժամկետներ երկարաձգվեցին:



**«ՌՈՔԵՍՏՐ»** ակումբը թողարկեց հարմոնիայի մասին ուսումնական փողջաստներ:



**«ՏՑ»** ակումբը շրջակա միջավայրի աղտոտվածության մասին բարձրաձայնեց վիրտուալ ցուցահանդեսի միջոցով:



**«ՄՈՔԻ ՍՏՈՒԴԻՈՆ»** ներկայացրեց հեռախոսով նկարված սոցիալական հոլովակներ:



**ՏԻԼՄԱՐՏԱԳՐՈՒԹՅԱՆ** ակումբը կազմակերպեց առցանց հանդիպումներ հայկական մշակույթի «Թաքնված գանձերի հետքերով»:



**«ԿԱՆԱԶ ՔԻՄԻԱ»** ակումբը ներկայացրեց կենսաֆիլտրի, կենսապլաստիկի սարքի և VR ակնոցի ստեղծման առաջին արդյունքները:



**«ԱՐՎԵՍՏԱՆՈՑ»** ակումբը ներկայացրեց երևանյան անհայտ արձանների փոխգործում քարտեզ:



**ԲԻՈՒՆՖՈՐՄԱՏԻԿԱՅԻ** ակումբն ամփոփեց ԴՆԹ տեղեկության կրիչի ստեղծման նախագծի առաջին փուլը:



**ԻՆժԵՆԵՐԱԿԱՆ** ակումբը ներկայացավ «Ադ. Աստորա» թռչող սարքի ժրագրավորման, ինքնակառավարվող մարտական ռոբոտների եռաչափ մոդելավորման նախագծերով:




**ԾՐԱԳՐՎՎՈՐՄԱՆ** ակումբը թողարկեց երևանյան երթուղիները ցույց տվող «Քուլլա» հավելվածը:



**ՖՈՆԴԱՅԻՆՄԱՆՈՒԹՅԱՆ** ակումբն իրականացրեց «Արվեստանոց» ակումբի «Տեսողական պոեզիա» գրքի համար ֆոնդահայթայթման արշավ:



**«ՏԵԽՆՈՇԱՐԺ»** ակումբը ժրագրավորեց «AyBUS» բջջային հավելվածի արտաքին տեսքը և պատրաստեց «Քաղաքանդակ» նախագծի կայքը:



**«Այբ» համայնք.**

**Միջավայր և մարդիկ**

**Ռեսուրսներ, աշակերտներ,  
շրջանավարտներ, անձնակազմ**

# ՄԻՋԱՎԱՅՐ

«Այբ» կրթական հանգույցը զբաղեցնում է 6,95 հա տարածք Երևանի Արաբկիր համայնքի Թբիլիսյան խճուղի 11/11 հասցեում: Դպրոցն ունի 3 մասնաշենք՝ ընդհանուր 7000 քմ ուսումնական մակերեսով, և զինված ու համալրված է ժամանակակից ուսումնական տեխնոլոգիաներով, ուղբոսիկայի, քիմիայի, ֆիզիկայի և կենսաբանության լաբորատորիաներով, արվեստանոց-լաբորատորիայով, սպորտդահլիճներով և համերգային դահլիճներով: Ամբողջ «Այբ» կրթական ավանդը նախատեսված է 800 աշակերտի համար:

«Այբ» կրթական հանգույցի ճարտարապետական յուրօրինակ լուծումները հայ ճարտարապետների և Մասաչուսեթսի տեխնոլոգիական ինստիտուտի ու Դարվարդի համալսարանի առաջատար մասնագետների ու գիտնականների համատեղ աշխատանքի արդյունք են:

ճարտարապետական նախագծում հաշվի են առնվել դպրոցաշինության ժամանակակից զարգացումները և համաշխարհային փորձառությունը: «Այբ» կրթական հանգույցը ստեղծված է՝ դառնալու յուրատեսակ կրթական ավան՝ իր բոլոր ենթակառուցվածքներով՝ դպրոց, ֆաբլաբ, գիտության ու տեխնոլոգիայի կենտրոն, եկեղեցի ու համայնքային կենտրոն, մանկապարտեզ, սպորտային համալիր, հանրակացարաններ, կանաչապատ տարածքներ և այլն: Դպրոցում սովորում է 472 աշակերտ (2019 թ. սեպտեմբերի դրությամբ), որոնց թվում են ինչպես 33, այնպես էլ արտերկրի (ընդհանուր թվի մոտ 10%-ը) քաղաքացիներ:



# ՀԱՄԱՅՆՔ. ՄԱՐԴԻԿ

«Այբ»-ի կրթությամբ վերափոխվելու զաղափարը համախմբել է այնպիսի մարդկանց, որոնք կյանքում կայացել են կրթության շնորհիվ և իրենց ժամանակը, ֆինանսական միջոցներն ու հեղինակությունը ներդրում են հայկական կրթության զարգացման գործում: Այն, ինչ երեկ երազանք էր թվում, այսօր իրականություն է շնորհիվ այս մարդկանց ստեղծարար հավատի ու համագործակցության: «Այբ» դպրոցը, որը երկրի կրթական նորագույն զարգացումների ուղենիշ է, կյանքի է կոչվել բազմաթիվ զաղափարակիցների, բարերարների ու աջակիցների վստահության ու ջանքերի շնորհիվ:

# ԴՊՐՈՑԻ ՀՈԳԱԲԱՐՁՈՒՆԵՐԻ ԽՈՐՀՈՒՐԴ

«Այբ» դպրոցի բարձրագույն ղեկավար մարմինը հոգաբարձուների խորհուրդն է, որն ունի ցանկացած որոշում կայացնելու կամ վերանայելու լիազորություն: «Այբ» դպրոցը հիմնադրամ է՝ ոչ առևտրային, ոչ պետական կազմակերպություն, որը չունի սեփականատերեր, փայատերեր կամ բաժնետերեր: Դպրոցի տերն այն մարդիկ են, ովքեր կամավոր ստանձնել են հոգատար և պատասխանատու լինելու առաքելության իրենց մասը և համատեղ ջանքերով, հոգաբարձուների խորհրդի միջոցով, կյանքի են կոչում դպրոցի նպատակները: Հոգաբարձուների խորհրդի որոշումները վերջնական են և ենթակա չեն բողոքարկման, քանզի չկա մեկ այլ՝ ավելի բարձր մարմին:


Հիս-ում ներգրավված են ինչպես «Այբ» համայնքի, այնպես էլ հասարակական ու մասնագիտական ոլորտների հայտնի ներկայացուցիչներ: 2019 թվականի դեկտեմբերին առաջին անգամ ընտրությունների միջոցով կազմավորվեց դպրոցի Հիս Նոր կազմը: Այն յուրահատուկ է նրանով, որ առաջին անգամ Հիս կազմում ներկայացուցիչ ունեն դպրոցի շրջանավարտների և ուսուցչական համայնքները՝ ի դեմս Արիս Բերբերյանի և Անահիտ Հովհաննիսյանի:





**ՌՈՒԲԵՆ ՀԱՐՈՒԹՅՈՒՆՅԱՆ**

հոգաբարձուների խորհրդի  
նախագահ Ռուսաստան



**ԱՆԱՀԻՏ ԱԴԱՄՅԱՆ**

Հայաստան/Ռուսաստան




**ԱՆԱՀԻՏ ՀՈՎՀԱՆՆԻՍՅԱՆ**

Հայաստան




**ԱՐԹՈՒՐ ԱԼԱՎԵՐԴՅԱՆ**

Հայաստան/Ռուսաստան



**ԱՐԹՈՒՐ ՋԱՆԻԲԵԿՅԱՆ**

(լիազորված անձ՝ Հակոբ  
Հակոբյան)  
Ռուսաստան




**ԱՐԻՍ ԲԵՐԲԵՐՅԱՆ**

Հայաստան



**ԴԱՎԻԹ ՅԱՆ**

(լիազորված անձ՝ Հովհաննես  
Աթաբեկյան), Ռուսաստան




**ՍԱՐԳԻՍ ԲԱԴԱԼՅԱՆ**

Հայաստան



**ՎԱԶԳԵՆ ՅԱԿՈՒԲՅԱՆ**

Հայաստան



**ՏԻԳՐԱՆ ՀԱՐՈՒԹՅՈՒՆՅԱՆ**

Հայաստան

# ԽՈՐՀՐԴԱՏՎԱԿԱՆ ԽՈՐՀՈՒՐԴ

«Այբ» դպրոցում 2018 թվականի դեկտեմբերից գործում է խորհրդատվական խորհուրդ: Կազմում ընդգրկված հեղինակավոր անձանց գիտելիքը և փորձառությունն ընդգրկում են ամենատարբեր ոլորտներ՝ կրթությունից և բարձր տեխնոլոգիաներից մինչև մեդիադաշտ ու մարդասիրություն:

Խորհրդատվական խորհրդի հիմնական գործառույթը դպրոցի ռազմավարական ժրագրերի վերաբերյալ խորհուրդներ և առաջարկներ տրամադրելն է: Խորհրդի ստեղծումն արտացոլում է դպրոցի կատարած ներդրումը կրթության նորարարության ոլորտում և ամրագրում համաշխարհային կրթության զարգացումներին համընթաց քայլերու և Հայաստանի երեխաներին լավագույն կրթության հնարավորություն ընձեռելու՝ «Այբ» դպրոցի տեսլականը:



# ԽՈՐՀՐԴԱՏՎԱԿԱՆ ԽՈՐՀՐԴԻ ԿԱԶՄԸ




**ՆՈՒՔԱՐ ԱՅԵՅԱՆ**  
Flagship Ventures, Մասաչուսեթսի  
տեխնոլոգիական ինստիտուտ



**ՌՈՒՔԵՆ ՎԱՐԴԱՆՅԱՆ**  
IDEA հիմնադրամ, «Ավորա»  
մարդասիրական նախաձեռնություն




**ԴԱՎԻԹ ՅԱՆ**  
ABBYY, iiko



**ԹԻՄ ՕՈՒԹՄ**  
Քեմբրիջի համալսարան




**ՓԱՏՐԻԿ ԴԵՐՅԱՄ**  
Վեստմինստերյան դպրոց



**ՄԱՅՔԼ ՌԵՅՍ**  
Լոնդոնի համալսարանական քոլեջ



**ԼԱՐԱ ՍԵԳՐԱԿՅԱՆ**  
News Deeply, Bloomberg TV, ABC  
News



**ՄԵՍՐՈՊ ՔՅՆ. ԱՐԱՄՅԱՆ**  
Հայաստան

# ՈՒՍՈՒՑԻՉՆԵՐ ԵՎ ԱՆՁՆԱԿԱԶՄ

«Այբ» դպրոցն ունի ավելի քան 190 աշխատակից (աղմինիստրատիվ անձնակազմ, ուսուցիչներ), որոնց մի մասը միաժամանակ ներգրավված է նաև «Այբ»-ի այլ կառույցներում՝ «Այբ» կրթական հիմնադրամում և Դիլիջանի կենտրոնական դպրոցում:


«Այբ»-ի հաջողության գրավականն են մեր ուսուցիչները: Անհնար է պատկերացնել որակյալ կրթական միջավայրն առանց բարձրակարգ մասնագետների: 21-րդ դարի հայկական կրթական միջավայր կերտելու մեր գործին միացել են բազմաթիվ հայտնի մասնագետներ ոչ միայն Հայաստանից, այլև արտերկրից: «Այբ» դպրոցի ուսուցչական կազմը համալրելիս մենք մեր առջև խնդիր ենք դրել դպրոց բերել մարդկանց, ովքեր հասարակական կարևոր ոլորտների ու հաստատությունների լավագույն մասնագետներ են և կարող են ոչ միայն իրենց գիտելիքն ու փորձը փոխանցել աշակերտին, այլև օրինակ դառնալ նրա համար, վառել նրա մեջ ուսման հանդեպ կրակը, սովորեցնել նրան սիրել առարկաները:






Կրթական հանգույցի ստեղծագործական ծրագրերում ներգրավված են տարբեր ոլորտների ներկայացուցիչներ՝ գիտնականներ, արվեստագետներ, գործարարներ՝ ապահովելով դպրոցի կապը կյանքի և տեխնոլոգիաների նորագույն զարգացումների հետ:

## ԱՇԽԱՏԱԿԱԶՄԻ ՏՈԿՈՍԱՅԻՆ ՀԱՐԱԲԵՐՈՒԹՅՈՒՆՆ ԸՍՏ ԳՈՐԾՈՒՆԵՈՒԹՅԱՆ ՈԼՈՐՏԻ







-  ՀՀ քաղաքացի՝ 184
-  ՌԴ քաղաքացի՝ 3
-  ԱՄՆ քաղաքացի՝ 2
-  ԿԱՄԵՐՈՒՆԻ քաղաքացի՝ 1
-  ՈՒԿՐԱԻՆԱՅԻ քաղաքացի՝ 1

# ԱՇԱԿԵՐՏՆԵՐ

Դարերի ընթացքում աշխարհի քաղաքակրթություններում և մշակույթներում ձևավորվել են մարդկային արժեքների որոշակի պատկերացումներ, և շատ հաճախ մարդը սահմանվել է որպես որոշակի առաքինությունների կամ բարոյական չափանիշների կրիչ: Բոլոր ժամանակներում կրթության հիմնախնդիրներից մեկը եղել և մնում է սովորողի արժեքային և որակական նկարագրի կերտումն ըստ տվյալ հասարակության ինքնության, բարոյական չափանիշների և ապագայի տեսլականի:

Դպրոցը՝ որպես մարդու կերտման ու ձևավորման գլխավոր օջախ, ստեղծում են ոչ թե տնօրենը կամ ուսուցիչները, այլ համայնքը, իսկ աշակերտն այդ համայնքի գլխավոր դերակատարն է: Աշակերտի ներդրումը դպրոցաշինության ու համայնքաշինության մեջ նույնքան կարևոր է: Դպրոցի կենտրոնում գտնվում է մարդը՝ աշակերտը՝ իր տեսակով, իր ուրույն նկարագրով, և նրա շուրջ է տարվում ամբողջ աշխատանքը: «Այբ»-ի միջավայրը, որն ապահովում է դպրոցի բոլոր հաջողությունները, ստեղծում են աշակերտները՝ ուսուցիչների, դպրոցի ղեկավարների, հոգաբարձության հետ համատեղ: Աշակերտներն այստեղ ամբողջապես հավասար և լիարժեք համահեղինակ են այն ամենի, ինչ կատարվում է դպրոցում: «Այբ»-ի աշակերտի տեսակն առաջին հերթին իր մեջ պարփակում է մարդկային գլխավոր առաքինությունները: Մեր նպատակն է առաջին հերթին օգնել աշակերտին, որ կայանա որպես առաքինություններով ու արժեքներով օժտված լիարժեք անձ՝ մարդ, որը ձգտում է ճանաչելու, համագործակցելու, արարելու, մարդ, որը մտածող է և ստեղծագործող: Եվ եթե մենք առաջնորդվում ենք մարդակերտման այս սկզբունքով, ապա ստանում ենք ներդաշնակ արդյունք՝ և՛ անձնավորություն, և՛ գիտելիքներ:

ԱԲ-ի աշակերտի նկարագրի ութ սկզբունքները հիմնված են հին հունական փիլիսոփայությունից եկած և քրիստոնեության մեջ ամրագրված չորս մարդկային առաքինությունների վրա, որոնք են խոհականությունը, արիությունը, ողջախոհությունը և արդարությունը: Յուրաքանչյուր առաքինություն մենք բացել ենք իր տեսական-ճանաչողական և գործնական-վարքային իմաստներով՝ ստանալով չորս զույգ կամ ութ սկզբունք: «Այբ» դպրոցի ծրագիրը՝ Արարատյան բակալավրիատը, մշակվել է այնպիսի անհատների սերունդներ կերտելու տեսլականով, որոնց բնորոշ են հետևյալ հատկանիշները:



## ԾԱՆԱԶՈՂ ԵՎ ՍՏԵՂԾԱՐԱՐ



Մարդու ճանաչողության և գործերի ներդաշնակեցումը, տեսականի և գործնականի ճիշտ համադրությունը կամ հավասարակշռությունը ԱԲ-ի կրթական փիլիսոփայության «ոսկե կանոն» է: Ծանաչողությունն ամրապնդվում է փորձառությամբ և պտղաբերում ստեղծագործումով: Իսկ յուրաքանչյուր գործ իմաստավորվում և ամբողջանում է այդ գործից ծնված փորձառական գիտելիքով: ԱԲ-ի աշակերտը ճանաչելով ստեղծում է և ստեղծելով ճանաչում:

## ՆԱԽԱՁԵՌՆՈՂ ԵՎ ՀԱՎԱՍԱՐԱԿՇՌՎԱԾ



Նախաձեռնողը նա է, ով ոչ միայն ինքնուրույն սկսում կամ ձեռնարկում է որևէ բան, այլև ունի արհուրյուն և համարձակություն՝ սկսածն առաջ տանելու և ավարտին հասցնելու: Սակայն յուրաքանչյուր նախաձեռնության մեջ պետք է լինել հավասարակշռված, այսինքն՝ շրջահայաց, խոհեմ և լուրջ՝ պահպանելով ներքին խաղաղությունը և ցուցաբերելով զսպվածություն: Շրջահայաց նախաձեռնողն անխոհեմ առաջ չի նետվում, այլ պատասխանատվությամբ ծրագրում ու խորհում է, հաշվի առնում ծրագրի բոլոր գործոնները և կողմերը, մարդկանց իր գաղափարի շուրջ հավաքում, ծառայում և առաջնորդում:

## ԶԳՈՆ ԵՎ ԲԱՑ



Զգոն նշանակում է ոչ միայն արթուն, աշալուրջ և զգույշ, այլև՝ ներքնապես ուշադիր և հավաքված: Մարդկային կյանքը ցրված է մտքերի, հիշողությունների, զգացմունքների, ապրումների մեջ, և կրթության բոլոր ժամանակների գերխնդիրն է՝ սովորեցնել մարդուն հավաքվել, ուշադիր լինել և կենտրոնանալ: Բաց մարդը զերծ է ներքին կապանքներից և սևեռումներից, հաղորդակից է մարդկանց և ունի իրականության զգացողություն: ԱԲ-ի աշակերտը չի առաջնորդվում սոսկ սեփական հետաքրքրություններով և ցանկություններով, այլ բաց է՝ ունեցածը կիսելու և ուրիշներից իրեն տրված բարիքը շնորհակալությամբ ընդունելու:


## ԲԱՐԵԽՈՂ ԵՎ ՀՈԳԱՏԱՐ



ԱԲ-ի աշակերտը պետք է ձգտի ոչ թե պարզապես ճանաչելու, այլ բարի և բարեբեր ճանաչողության կամ բարեխոհության: Բարին խորհելը և բացահայտելը արդյունավետ ճանաչողության վեկտորն են: Մտքերի բարությունը պետք է արտացոլված լինի նաև մեր գործերում՝ ԱԲ-ի աշակերտը պետք է լինի հոգատար: Հոգատար է նա, ով սեր ունի իր մեջ, փորձում է մարդկանց համար բարիք գործել, պատասխանատու է և անտարբեր չի անցնում իրողությունների կողքով: Բարեխոհությունն ու հոգատարությունը բարոյական լրացումն են «ճանաչող և ստեղծարար» հատկանիշների և շեշտում են, թե ինչ տեսակի ճանաչողությունն ու գործերն են օգտակար:

# ԴՊՐՈՑԻ ԱՇԱԿԵՐՏՆԵՐԻ ԲԱՇԽՎԱԾՈՒԹՅՈՒՆՆ ԸՍՏ ՍԵՌԻ ԵՎ ԿՐԹԱԿԱՆ ՄԱԿԱՐԴԱԿԻ


ԸՆԴՀԱՆՈՒՐ **472**



ՏԱՐՐԱԿԱՆ ԴՊՐՈՑ

**141**

ԱՇԱԿԵՐՏ



ՄԻՋԻՆ ԴՊՐՈՑ

**136**

ԱՇԱԿԵՐՏ



ԱՎԱԳ ԴՊՐՈՑ

**195**

ԱՇԱԿԵՐՏ

# ԾՆՈՂՆԵՐ

Անհնար է պատկերացնել հզոր դպրոցական համայնք՝ առանց այդ համայնքի կայացման ու զարգացման գործում ծնողների ակտիվ մասնակցության ու ներդրման: Մենք դիտում ենք ծնողին որպես երեխայի ուսման, դաստիարակության ու զարգացման գործում դպրոցի առաջին համագործակցի: «Այբ» դպրոցն ակտիվորեն ներգրավում է ծնողներին երեխաների հետ աշխատանքում: Մշակվել ու հաջողությամբ գործարկվում են հետաքրքիր ծնաչափեր, որոնց շնորհիվ դպրոց-ծնող համագործակցությունը տալիս է բարձր արդյունքներ: Օրինակ սովորական «ծնողական ժողով» ասվածը «Այբ» դպրոցում անցկացվում է ծնող-երեխա-ուսուցիչ անհատական հանդիպման ծնաչափով. ոչ միայն քննարկվում են երեխայի հետ կապված հարցեր, այլև նախանշվում ծնողի դերն ու անելիքը երեխայի կրթության ու զարգացման ճանապարհին: Ամսական թեյախմությունների ծնաչափով քննարկումներն ընթացիկ և կարևոր հարցերի շուրջ պաշտոնական խորհրդակցություն են, որում բարձրացված հարցերն ու դրանց հետքերով կայացված որոշումներն ու դրանց արդյունքները արձանագրվում ու տեղեկացվում են ծնողներին: Այս հարթակների ու ծնողի հետ անհատական շփումների շնորհիվ ձևավորվել է ծնող-դպրոց համագործակցության արդյունավետ մշակույթ:

Ծնողները մասնագիտական կարծիքի տեսքով, անհատապես կամ խմբով, մշտապես աջակցում են դպրոցի ներքին կազմակերպչական գործընթացների և այլ բովանդակային հարցերի շուրջ տարբեր որոշումների կայացմանը:

Ծնողները ներհամայնքային միջոցառումների կազմակերպման ակտիվ մասնակից են. նրանք նույնպես երբեմն հանդես են գալիս կրթական, հասարակական ու ժամանցային զանազան միջոցառումների ու նախաձեռնությունների առաջարկներով: Դպրոցում խթանվում ու քարոզվում են բարեգործությունն ու փոխօգնության մշակույթը, և ծնողներն իրենց օրինակով և կազմակերպած բարի գործերով լավագույն օրինակն են երեխաների համար:

Եվ, վերջապես, մեծ ուրախություն է մեր ծնողներին տեսնել «Այբ» դպրոցի բարերարների թվում, ովքեր կարևոր ու շատ գնահատելի ֆինանսական ներդրում են ունեցել ու շարունակում ունենալ «Այբ» դպրոցի ընդլայնման ու համալրման գործում այդպիսով նպաստելով ոչ միայն սեփական երեխայի, այլև նրանից հետո դպրոց եկող սերունդների համար ուսումնական լավագույն պայմանների ապահովմանը:



# ՇՐՋԱՆԱՎԱՐՏՆԵՐ

Դպրոցի 9-ամյա պատմության ընթացքում «Այբ»-ը տվել է 370 շրջանավարտ (2020 թ. հուլիսի դրությամբ): Այսօր նրանք սովորում են Հայաստանի և արտերկրի հեղինակավոր բուհերում՝ բարձր պահելով դպրոցի անունը և «Այբ»-ի շրջանավարտի պատվավոր կոչումը: «Այբ»-ի շրջանավարտները դպրոցն ավարտելուց հետո շարունակում են ակտիվ մասնակցել «Այբ» համայնքի կյանքին՝ ընդգրկվելով «Այբ»-ի շրջանավարտների համայնքում, մասնակցելով դպրոցի և հիմնադրամի կողմից իրականացվող մի շարք նախաձեռնությունների, ինչպես նաև համալրելով «Այբ»-ի կառույցների անձնակազմի շարքերը:

2020 թվականին շրջանավարտները նաև ծեռնամուկս եղան «Այբ»-ի շրջանավարտների ակումբի ստեղծմանը: Նպատակը շրջանավարտների համայնքի կայացմանն ու «Այբ»-ի հետ նրանց կապի պահպանմանը նպաստելն է և նրանց ներումի դրսևորման ու զարգացման համար պարարտ հող ստեղծելը: Շրջանավարտների ակումբի կողմից իրականացվող ծրագրերն ուղղվելու են ընկերական մենտորության համակարգի զարգացմանը, ուսումնական գործընթացում ուսուցիչների և աշակերտների աջակցությանը, ինչպես նաև այլ հետաքրքիր միջոցառումների անցկացմանը: Լիափույս ենք, որ ակումբը կկազմավորվի ու կկայանա՝ նոր գույներով երանգավորելով «Այբ»-ի համայնքը:






«Այբ»-ի շրջանավարտները նաև հանդես են գալիս տարբեր նախաձեռնություններով: Այսպես՝ 2013-ին շրջանավարտներն իրականացրել են «Հավես ամառ» և «Հավես աշուն» ուսումնական նախագծերը, իսկ 2016-2019 թթ. շրջանավարտների համայնքը կազմակերպել է «Այբ»-ի ամանորյա ավանդական տոնավաճառը: «Այբ»-ի շրջանավարտները հաճախ նաև փորձի և գիտելիքի փոխանակման հանդիպումներ են ունենում դպրոցի աշակերտների հետ, հաղորդակից դարձնում իրենց փորձին և օգտակար խորհուրդներ տալիս:

Շրջանավարտներից ոմանք դարձել են «Այբ»-ի աշխատակիցներ՝ համալրելով ադմինիստրացիայի, դպրոցական մրցույթների, ֆաբլաբի և SS թիմի շարքերը: Նրանք կամավորական սկզբունքով պարբերաբար ընդգրկվում են «Այբ»-ի տարբեր կառույցներում իրականացվող նախագծերում, ինչպես նաև մասնակցում փորձնակության առաջարկվող ժրագրերին: «Այբ»-ի ապագայի տեսլականի վառ ապացույցը շրջանավարտներն են, որոնք դեռևս նոր են ծիլեր նետել մեր հասարակությունում և նոր են սկսում ծաղկել՝ վարակելով շրջապատին իրենց արժեհամակարգով և ապագայի նկատմամբ հստակ պատկերացումներով ու ձգտումներով:





**ՌԿՐՈՑԻ**

**ԿՅԱՆՔԸ**

**2019-2020 ուսումնական տարում**

2019-2020 ուսումնական տարին նշանավորվեց  
հիշարժան իրադարձություններով:

Այն անցավ ուսումնական այցերով ու հյուպերով  
ինչպես ՌԿՐՈՑԻ, այնպես էլ առցանց:



Այբական տարին լի էր ինչպես ծեղքբերումներով, այնպես էլ՝ մարտահրավերներով, որոնք հաղթահարեցինք միասնական ուժերով: 2019-2020 ուսումնական տարին նշանավորվեց հիշարժան իրադարձություններով, ուսումնական այցերով ու հյուրերով, որոնց ընդունեցինք ինչպես դպրոցում, այնպես էլ՝ առցանց:

## ԻՐԱԴԱՐՁՈՒԹՅՈՒՆՆԵՐ

«Այբ» դպրոցում տեղի ունեցավ «Ռուսալ» գիտության փառատոնի բացումը: Անցկացվեց ինժեներական քվեստ: Այնուհետև «Այբ» դպրոցը մասնակցեց «Ռուսալ» փառատոնի՝ Ազգային պոլիտեխնիկական համալսարանում բացված ցուցահանդեսին:

Այբական ռոբոտները «գրավեցին» WCIIT 2019-ը: Հեղինակավոր ֆորումին «Այբ» դպրոցը ներկայացված էր ԿԳՄՍ նախարարության միասնական «Հայաստան» տաղավարում:

«Մայքրոսոֆթ ինովացիոն կենտրոն Հայաստանի» և «Այբ» դպրոցի նախաձեռնությամբ ու գործակցությամբ «Այբ» դպրոցում արդեն 6-րդ տարին անընդմեջ կայացավ «Ծրագրավորման ժամ» (Hour of Code) միջոցառումը:

Հյուրընկալեցինք Digital UAV Forum 2019-ի դպրոցական մասը:

«Ռուլան» 15-րդ մանկապատանեկան ֆիլմերի միջազգային փառատոնին մասնակցեց նաև «Այբ» դպրոցի Film Factory ակումբը: Մեր աշակերտները ժյուրիի կազմում էին, ինչպես նաև ցուցադրվեցին նրանց պատրաստած ֆիլմերը:



«Այբ» դպրոցը մասնակցեց «Ավորա» ֆորումի Ararat Challenge փառատոնին: Մեր աշակերտները ներգրավված էին նաև փառատոնի կամավորական աշխատանքներում:

«Այբ» դպրոցում տեղի ունեցավ Պատանի քիմիկոսների համահայկական 10-րդ մրցաշարի քառորդ եզրափակիչ փուլը, որտեղ իրենց ուժերն էին չափում 40 թիմ Հայաստանի Հանրապետության և Արցախի 29 դպրոցներից:

«Այբ»-ում անցկացվեց **ВЫХОДИ РЕВАТБ!** համառոտական օլիմպիադա դպրոցի աշակերտների համար: Օլիմպիադան անցկացվեց մաթեմատիկա, ֆիզիկա և ինֆորմատիկա առարկաներից:

Տեղի ունեցան **7-րդ Այբական խաղերը**. մրցեցինք տարբեր մարզաձևերում, առաջին անգամ նաև սուսի «խաղացինք», «թուանք» զիպլայնով, կերանք ավանդական հարիսա ու պարեցինք:

Կայացավ «Այբ»-ի **ամանոթյա տոնավաճառը**: Տոնական միջոցառման կազմակերպիչները դպրոցի շրջանավարտներն էին:

Վայելեցինք աշակերտների «Տաղանդների շուռ 2020» համերգային միջոցառումը:

«Այբ» դպրոցում տեղի ունեցավ «Լորիկ» ֆիլմի բացառիկ ցուցադրությունը: Ֆիլմի պրոդյուսերն է «Այբ»-ի բարերար, բարեկամ Մարտիրոս Մինասյանը:

**Մտորական ներհամայնքային հանդիպում** կազմակերպեցինք: Նպատակն էր կապերի ամրապնդումն ու ընդլայնումը դպրոցի աշակերտների, ծնողների և «Այբ» համայնքի այլ անդամների միջև:

Ժուլի-ժամանակով «Այբ»-ում էր հայտնվել Քաջ Նազարը. «Այբ»-ում **Ամանորի ավանդական հանդիսությունն** էր:

Հետաքրքիր ֆլեշմոբով շնորհավորեցինք մեր աշակերտներին Կամավորի միջազգային օրվա առթիվ:

Շրջանավարտների նախաձեռնությամբ «Այբ»-ում նշեցինք **Առիաբանության օրը**:

**Բասկետբոլային խաղ**, թեյախմություն ու մտքերի փոխանակում. այսպես մեկնարկեց «Այբ» դպրոցի և Հայաստանի հաշմանդամների «Փյունիկ» միության երկարաժամկետ համագործակցությունը:



# ՇՐՋԱԳԱՅՈՒԹՅՈՒՆՆԵՐ

«Այբ» ավագ դպրոցի 12-րդ դասարանի 8 աշակերտ և պատմության 2 ուսուցիչ [Մեծ Բրիտանիայում մասնակցեցին աշակերտական կոնֆերանսի](#): Աշակերտները մեկ տարի շարունակ Վեստմինստերյան դպրոցի իրենց հասակակիցների հետ հեռակա Նախագիծ էին իրականացրել, որոնց արդյունքներն էլ ամփոփվեցին Գլադստոնի գրադարանի հետ համատեղ անցկացված կոնֆերանսի ընթացքում:

5 աշակերտներ էլ ուսուցչուհի Անուշ Լալայանի ուղեկցությամբ ուսումնական այց կատարեցին Գերմանիա՝ ամփոփելու [Սաքսոնիա-Անհալթերկրամասի Պֆորտայի դպրոցի](#) հետ անցկացվող եռաշաբաթյա մոդերնավորման Նախագիծը:

«Այբ» դպրոցի համայնքի գծով տնօրեն Աննա Ակոպյանն ու մասնագիտական կողմնորոշման մասնագետ Ռուզաննա Մայիլյանը մասնակցեցին Իսպանիայի Բիլբաո քաղաքում անցկացվող [Միջազգային դպրոցների խորհրդի \(CIS\) ամենամյա համաժողովին](#)՝ ներկայացնելով «Այբ» դպրոցն ու «Արարատյան բակավարձիատ» կրթական ծրագիրը:

«Սահմանելով կրթության Նոր տեսլականը». «Այբ» դպրոցի տնօրեններ Արամ Փախչանյանը, Դավիթ Սահակյանը և Մերի Դովսեփյանը մասնակցեցին [Արցախի «Կրթական ֆորում 2019»-ին](#):

«Այբ» դպրոցի աշակերտները տնօրեն Արամ Փախչանյանի գլխավորությամբ Արցախում մասնակցեցին [«Լուսի մոլորակ» փառատոնին](#):



# ԱՅՐԱՊԱՏՈՒՄ

«Այբ»-ը՝ մարզերում, մարզերը՝ «Այբ»-ում. այս սկզբունքով է իրականացվում «Այբապատում» նախագիծը, որի շրջանակում «Այբ»-ում հյուրընկալել էինք ներքին Մաղկավանի, ներքին Կարմիրաղբյուրի, Բերքաբերի և Փետաշենի դպրոցականներին:

Իսկ առցանց հարթակում «հյուրընկալվեցինք» Կարմիրաղբյուր ու ներքին Մաղկավան գյուղերի դպրոցներում: «Այբ» դպրոցի աշակերտները հանդես եկան առցանց ուսուցչի դերում:

# ՀՅՈՒՐԵՐ

## Հյուրընկալեցինք


ՌԴ դաշնային հարկային ծառայության նախկին ղեկավար, հետազայում **ՌԴ վարչապետ Միխայիլ Միշոատինին**, որն «Այբ» դպրոց այցելեց բարերար **Արթուր Զանիբեկյանի ուղեկցությամբ:**

Ուսուցչի տոնի առիթով «Այբ» դպրոցում հանդիպեցինք և լսեցինք **Տեր Մեսրոպ քահանա Արամյանին**, որը խորհուրդ տվեց «գնալ դեպի անճանաչելի և լուծել անլուծելի»:




**ՄԻԽԱՅԻԼ ՄԻՇՈՒՄՏԻՆ**

ՌԴ վարչապետ



**ԱՐԹՈՒՐ ԶԱՆԻԲԵԿՅԱՆ**

«Այբ»-ի բարերար



**ՏԵՐ ՄԵՍՐՈՊ ՔԱԿԱՆԱ ԱՐԱՄՅԱՆ**

Հյուրընկալեցինք «Այբ» դպրոցի համահիմնադիր **Դավիթ Յանին** և Կոնսեպտիվոտի համալսարանի պրոֆեսոր, ֆիզիկոս **Ռայան Քոֆին**:

«Այբ»-ում բացառիկ հնարավորություն ունեցանք ունկնդրելու և զրուցելու հայտնի երաժիշտ **Լևոն Օզանեզովի** հետ:

«Այբ»-ում «Անկեղծության պահ» էր **Հրանտ Թոխատյանի** համար:

Հայաստանի ամերիկյան համալսարանի նախագահ **Կարին Մարկիդեսի** հետ հանդիպեցինք դպրոցի «Հայաստան» դահլիճում:

«Այբ»-ի աշակերտների համար վարպետության դաս անցկացրեց Նկարիչ **Վևորգ Մովսիսյան**:




**ԴԱՎԻԹ ՅԱՆ**

«Այբ» դպրոցի համահիմնադիր




**ՌԱՅԱՆ ՔՈՖԻ**

ֆիզիկոս



**ԼԵՎՈՆ ՕՓԱՆԵԶՈՎ**

հայտնի երաժիշտ




**ՀՐԱՆՏ ԹՈՒՏԱՏՅԱՆ**

Դերասան



**ԿԱՐԻՆ ՄԱՐԿԻԴԵՍ**

Հայաստանի ամերիկյան  
համալսարանի նախագահ



**ՎԵՎՈՐԳ ՄՈՎՍԻՍՅԱՆ**

Նկարիչ

«Այբ»-ում կինոյի մասին հարցեր ուղղեցինք ռեժիսոր **Միեր Մկրտչյանին**:

Որակնության նախագծային ուսումնառության շրջանակում աշակերտների հրավերով դպրոց այցելեց ժամանակակից գրող **Արամ Պաչյանը**:


Համալսարանական կյանքի մասին խոսելու համար «Այբ»-ի աշակերտների հետ հանդիպեցին **«Այբ»-ի նախորդ տարիների շրջանավարտները**:

«Այբ»-ում կայացավ **Պատանավարձի** մարդասիրական մանկավարժության մասին սեմինարը:


Այբեցիներն առցանց հանդիպեցին **ՀՀ ԱԺ պատգամավոր Մխիթար Հայրապետյանի** հետ՝ քննարկելու առցանց ուսուցման և դրա կազմակերպման հետ կապված մի շարք կարևոր և օրակարգային հարցեր:




**ՄՂԵՐ ՄԿՐՏՉՅԱՆ**  
ռեժիսոր




**ԱՐԱՄ ՊԱՉՅԱՆ**  
ժամանակակից գրող



**ՊԱՍՏԱ ԱՄՈՆԱՇՎԻԼԻ**



**ՄԽԻԹԱՐ ՀԱՅՐԱՊԵՏՅԱՆ**  
ՀՀ ԱԺ պատգամավոր



**«ԱՅԲ»-Ի ՆԱԽՈՐԴ ՏԱՐԻՆԵՐԻ ՇՐՋԱՆԱՎԱՐՏՆԵՐ**

## ՏԱՐՎԱ ԸՆԹԱՑՔՈՒՄ ՄԵՁ ԱՅՑԵԼԵՑԻՆ ՏԱՍՆՅԱԿ ԳՈՐԾԸՆԿԵՐՆԵՐ ԱՐՏԱՍԱՀՄԱՆԻՑ ՈՒ ՄԱՐՁԵՐԻՑ

Այսպես՝ հյուրընկալեցինք «Ակոլկոլո» հիմնադրամի փոխնախագահ Էլենա Ձելենցովային և հիմնադրամի քաղաքային շրջակա միջավայրի վարչության ղեկավար Անաստասիա Ձելենովային, «Վորոաաոա»-ի հիմնադիր Յանա Գրեֆին և դպրոցի տնօրինությանը, Կազանի դաշնային համալսարանին կից գործող Լոբաչևսկու անվան լիցեյի տնօրենին և ուսուցիչներին, «Золотое сечение» և «УМХЯ АКОЛ» դպրոցներից կրթության մասնագետների, ուսուցիչների, շինարարների ու ճարտարապետների, «НОВАЯ АКОЛ» դպրոցի 5-7-րդ դասարանների աշակերտներին ու ուսուցիչներին, Ներքին Մարզկազմի, Աբրիի, Ներքին Կարմիրաղբյուրի դպրոցների ուսուցիչների: Վերջիններս Ներկա եղան դասալուսմների, ինչպես նաև մասնակցեցին «Այբ»-ի ուսուցիչների համար պարբերաբար կազմակերպվող վերապատրաստումներին:

## ՄԱՍՆԱԳԻՏԱԿԱՆ ԿՈՂՄՆՈՐՈՇՄԱՆ ՀԱՐՑՈՒՄ ԱՇԱԿԵՐՏՆԵՐԻՆ ՕԳՆԵԼՈՒ ՀԱՄԱՐ «ԱՅԲ»-ՈՒՄ ՀՅՈՒՐԸՆԿԱԼԵՑԻՆՔ

Ամերիկյան Մինեսոտայի համալսարանի, ՀԱՀ-ի, Հոնկոնգի համալսարանի, Նավարայի համալսարանի, Մոսկվայի ավիացիոն ինստիտուտի, Մոսկվայի պոլիտեխնիկական համալսարանի Ներկայացուցիչներին: «Այբ» ավագ դպրոցի աշակերտները մասնագիտական կողմնորոշման Նպատակով այցելեցին Հայաստանում ֆրանսիական համալսարան, իսկ դպրոցում աշակերտներին Ներկայացվեցին «1991 ստորաբաժանում» և «Պատիվ ունեմ» ժրագրերը:



# ՆՎԱՃՈՒՄՆԵՐ

«Այբ» ավագ դպրոցի աշակերտներ **Դավիթ Գրիգորյանը, Լիլիթ Մինասյանը, Սուրեն Թադևոսյանը** արժանացան **SS ոլորտի լավագույն աշակերտի պետական մրցանակի**:

Բնության մեջ կենսաքայքայվող պոլիմերների ստեղծման եղանակը, որ մշակել են Նախագծային ուսումնառության «Կանաչ քիմիա» ակումբի աշակերտները, **ստացավ գյուտի արտոնագիր** Մտավոր սեփականության գործակալության կողմից և հրապարակվելու է 77 էկոնոմիկայի նախարարության պաշտոնական տեղեկագրում:

«Այբ» դպրոցի համահիմնադիր, գործադիր տնօրեն և «Այբ» կրթական հիմնադրամի հոգաբարձուների խորհրդի նախագահ Արամ Փախչանյանը **դարձավ «Rybakov Prize 2020»-ի դափնեկիր**:

«Այբ» դպրոցը ներկայացնող **VR Lab թիմը** հայտնվեց «Սերունդ առանց սահմանների» (GenU) մրցույթի լավագույն հնգյակում: Մրցույթին ներկայացված 60 նախագծերից ընտրվել են միայն 12-ը:

«Այբ» դպրոցի աշակերտներ **Ալիսա Փախչանյանը, Էթերի Սարգսյանը, Մերուժան Խաչատրյանը, Սուրեն Թադևոսյանը, Լանա Մելիքյանը, Անի Հարությունյանը, Անի Հարությունյանը, Մերի Ստեփանյանը, Լուսինե Խաչատրյանը** դարձան հանրապետական առարկայական օլիմպիադայի եզրափակիչ փուլերի հաղթողներ:

«Այբ» դպրոցի և **Դիլիջանի կենտրոնական դպրոցի շենքերը** ճանաչվեցին Build School Project ճարտարապետական մրցույթի հաղթողներ: Իսկ ArchDaily-ն «Այբ» և Դիլիջանի կենտրոնական դպրոցների շենքերն ընդգրկեց վերջին 10 տարվա հայկական ճարտարապետության ժամանակակից նախագծերի թվում:

«Այբ» դպրոցի ուսանողների **ուսուցչուհի Կիմա Վանեսքեհյանը** հայտնվեց «Знакажи Знамя!» ուսուցչական վարպետության միջազգային մրցույթի եզրափակիչում: Նա այս մրցույթի գիտության դեսպանն էր Հայաստանից:





# ԿԱՐԵՎՈՐ ՓԱՍՏԵՐ

**472**  
ԱՇԱԿԵՐՏ  
**195-Ը**  
ԱՎԱԳ ԴՊՐՈՑՈՒՄ

«Այբ» դպրոցը 2019-2020 ուսումնական տարին մեկնարկեց 472 աշակերտով, որոնցից 195-ը՝ ավագ դպրոցում:

**70**  
ԱՇԱԿԵՐՏ

«Այբ» դպրոցն ավարտեց 8-րդ սերնդի 70 աշակերտ: Այդպիսով «Այբ» դպրոցն ունեցավ ընդհանուր 370 շրջանավարտ:

**79%-Ը**  
ՍՏԱԳԱՎ  
ԿՐԹԱԹՈՇԱԿ

Այս ուսումնական տարում «Այբ» ավագ դպրոցի աշակերտների 79%-ը ստացավ կրթաթոշակ (ուսման վարձի փոխհատուցում):

**ԱՌՑԱՆՑ  
ԿՐԹՈՒԹՅԱՆ  
ՀԱՄԱԿԱՐԳ**

«Այբ»-ը հաջողությամբ ներդրեց առցանց կրթության համակարգը, որի փորձը կօգնի արդեն 2020-2021 ուսումնական տարում մեկնարկելու «Այբ2.0» հեռավար կրթության լայնածավալ ծրագիրը:

**ՀՈԳԱԲԱՐՁՈՒՆԵՐԻ  
ԽՈՐՀՐԴԻ  
ՆՈՐ ԿԱԶՄ**

Կազմավորվեց «Այբ» դպրոցի հոգաբարձուների խորհրդի Նոր կազմը, որն աշխատանքները սկսել է 2019 թ. դեկտեմբերի 1-ից և կպաշտոնավարի մինչև 2021 թ. Նոյեմբերի 30-ը:

**ՎԵՔԻՆԱՐՆԵՐ**

Ստեղծված արտակարգ իրավիճակում «Այբ» դպրոցը ձեռնարկեց հեռավար ուսուցման մասին վեբինարների շարք: Դրանք տևեցին ավելի քան մեկ ամիս և անցկացվեցին ուսուցիչների ու աշակերտների կողմից:



**Ֆինանսական**

**հաշվետվություն**

**2019-2020**

ԳՈՐԾԱՌՆԱԿԱՆ ԲՅՈՒՋԵ	ՀՀ դրամ
<b>Քրեական գործունեությունից ներհույս</b>	<b>991,617,523</b>
Ներհույս ուսման վարձերից	910,357,222
«Այբ» կրթական հիմնադրամի նվիրատվություններ դպրոցի դեֆիցիտի ժամկետային համար (կրթաթոշակային ֆոնդ)	31,231,558
Նպատակային և կանոնադրական նպատակների համար նվիրատվություններ	37,906,132
Ներհույս ենթակառուցվածքներից և ծառայությունների մատուցումից	10,928,529
Աջակցություններին վերաբերող այլ մուտքեր	1,194,082
<b>Քրեական գործունեությունից արտահույս</b>	<b>983,925,478</b>
<b>Վարչական ծախսեր</b>	<b>368,753,559</b>
Վարչական անձնակազմի ծախսեր, այդ թվում՝ աշխատավարձային ֆոնդ, սոցիալական փաթեթ և վարչական աշխատողների զարգացման ծախսեր	264,722,383
Կոմունալ ծախսեր, դպրոցի գույքի և շրջակա միջավայրի պահպանում և բարելավում	76,941,509
Դպրոցի ՏՏ համակարգի պահպանում և բարելավում	2,630,377
Մարկետինգ, հաղորդակցություն և ֆոնդահայթայթում	2,244,478
Մասնագիտացված ծառայությունների արտապատվիրում	16,327,582
Գրասենյակային, ներկայացուցչական ծախսեր և այլ վարչական ծախսեր	5,887,230
<b>Կրթական գործընթացի ուղղակի ծախսեր</b>	<b>609,560,676</b>
Ուսուցիչների և կրթական գործընթացին աջակցող անձնակազմի աշխատավարձային ֆոնդ	459,412,809
Աջակցությունների ծախսեր (գրականություն, սնունդ, տրանսպորտ, կենցաղային ծախսեր, լոգ և այլն)	147,073,709
«Այբ» համայնքին ուղղված միջոցառումների ծախսեր	3,074,158
<b>Այլ նախագծերի ուղղակի ծախսեր</b>	<b>5,611,243</b>
<b>ՆԵՐՂՈՒՄԱՅԻՆ ԲՅՈՒՋԵ</b>	
Ներդրումային գործունեությունից ներհույս, այդ թվում՝ կապիտալ շինարարության և վերանորոգման, հիմնական միջոցների ձեռքբերման նպատակով ստացված նպատակային նվիրատվություններ	142,800,000
Ներդրումային գործունեությունից արտահույս, այդ թվում՝ ՆՈՐ շինարարություն և կապիտալ վերանորոգում, սարքավորումների և այլ հիմնական միջոցների ձեռքբերում	38,306,707
<b>ՖԻՆԱՆՍԱԿԱՆ ԲՅՈՒՋԵ</b>	
Ֆինանսական գործունեությունից դրամական միջոցների ներհույս, այդ թվում՝ ներդրված ավանդներից տոկոսագումարներ և նախկինում տրամադրված փոխառությունների վերադարձ	14,970,712
Ֆինանսական գործունեությունից դրամական միջոցների արտահույս, այդ թվում՝ ստացված փոխառությունների մարում և փոխառությունների տրամադրում	28,152,903
<b>Սկզբնական մնացորդ 2019 թ. սեպտեմբերի 1-ի դրությամբ</b>	<b>4,089,874</b>
<b>Ընդամենը՝ ներհույս</b>	<b>1,149,388,236</b>
<b>Ընդամենը՝ արտահույս</b>	<b>1,050,385,088</b>
<b>Վերջնական մնացորդ 2020 թ. օգոստոսի 31-ի դրությամբ</b>	<b>103,093,022*</b>

\* «Այբ» դպրոցի բարերանների, համախմբված համայնքի և «Տաշիր» բարեգործական հիմնադրամի 142.8 մլն ՀՀ դրամ նվիրատվությունների շնորհիվ դպրոցին հաջողվել է պահպանել ֆինանսական կայունությունը 2019-2020 ուսումնական տարում: Մնացորդային ամբողջ գումարը նախատեսվում է օգտագործել դպրոցի զարգացման ծրագրերի վրա 2020-2021 ուսումնական տարում:



**կրթաթոշակային**

**համակարգ**

Ավագ դպրոցի աշակերտների 75%-ն  
ամեն տարի «Այբ» հիմնադրամից  
ստանում է կրթաթոշակ:

«Այբ» դպրոցի ավագ բաղադրիչը ոչ պետական կրթության ոլորտում առաջին սոցիալական ժրագիրն է: Մենք մեր դպրոց ընդունված բոլոր աշակերտներին տալիս ենք «Այբ»-ում սովորելու հավասար հնարավորություններ. «Այբ» հիմնադրամը հայթայթում է ֆոնդեր անհատ բարերարների ու կազմակերպությունների նվիրատվություններից, որպեսզի որևէ աշակերտ, որ ընդունվել է «Այբ» ավագ դպրոց, չզրկվի այստեղ սովորելու հնարավորությունից ֆինանսական պատճառով: «Այբ» ավագ դպրոցի աշակերտների ավելի քան 75%-ն ամեն տարի «Այբ» հիմնադրամից ստանում է կրթաթոշակ (ուսման վարձի մասնակի կամ ամբողջական փոխհատուցում)՝ համաձայն ֆինանսական աջակցության տրամադրման սկզբունքների և նպատակների:





**ինչպես աջակցել**

**դպրոցին**

Ավելի քան 200 անհատ միավորել են  
իրենց ջանքերը հանուն կրթության  
զարգացման:

«Այբ» դպրոցը շահույթ չհետապնդող ոչ առևտրային կազմակերպություն է, որ ստեղծվել է աշխարհի տարբեր անկյուններում ապրող ու աշխատող մարդկանց նվիրաբերությունների շնորհիվ: Ավելի քան 200 անհատ միավորել են իրենց ջանքերը, գիտելիքները, ֆինանսական և ժամանակային ռեսուրսները, պատասխանատվությունն ու սերը հանուն հայկական կրթության զարգացման, հանուն սերնդակերտման բարձր և շնորհակալ գործի: Մենք ունենք քո օգնության կարիքը «Այբ» դպրոցի հետագա զարգացման ու ընդլայնման համար: Մենք արդեն հավաքել ենք բավարար միջոցներ դպրոցի մասնաշենքերի շինարարության և համալրման, լաբորատորիաների ստեղծման և ամենաժամանակակից ուսումնական նյութերի մշակման համար: Այս ամենի շնորհիվ այսօր ավելի քան 450 աշակերտ ուսանում է «Այբ» դպրոցում, հաղթում ու պատվով ներկայացնում Հայաստանը միջազգային օլիմպիադաներում, ուսումը շարունակում աշխարհի լավագույն բուհերում, փոփոխություններ բերող ժրագրեր իրականացնում արդեն այսօր: Միացիր «Այբ» դպրոցի ժրագրին, կատարիր փոփոխություն հիմա, դարձրո՛ւ աշխարհն ավելի լավը:



Եթե ունես «Այբ» դպրոցին աջակցելու այլ առաջարկ, գրիր մեզ [donation@ayb.am](mailto:donation@ayb.am) հասցեով, և միասին կքննարկենք ամենահարմար տարբերակը:



Նվիրաբերիր

# ՄԵՐ ԱԶԱԿԻՑՆԵՐԸ

---

Դժվար է գտնել երախտագիտության և հիացմունքի խոսքեր այն մարդկանց հանդեպ, որոնց շնորհիվ «Այբ» դպրոցն արդեն ինը տարի գոյություն ունի, զարգանում է և Նոր ծրագրեր իրականացնում մեր երկրի ապագան կրթությամբ վերափոխելու առաքելությամբ: Մեր բարերարների ու աջակիցների թիվն անցել է երկու հարյուրի սահմանը՝ երկու հարյուր վառ անհատականություն աշխարհի տարբեր երկրներից, երկու հարյուր գաղափարակից, ովքեր իրենց ժամանակն ու ֆինանսական ռեսուրսները ներդրել են ի շահ հայկական կրթության մրցունակության մեծացման, ի շահ ուայալ ու առաքինի սերունդների կերտման: Երկու հարյուր մարդ հավատացել է «Այբ»-ի նպատակներին, երկու հարյուր մարդ կիսել է մեզ հետ մեր գործի հանդեպ նվիրումն ու սերը: Մեր ծրագրերի հաջողության հիմքը հենց այս անձանց արժեքների, փորձառության, հնարավորությունների, պատասխանատվության այն ընդհանուր հզոր ազդեցությունն է, որի շնորհիվ անգամ անիրատեսական թվացող նպատակները դառնում են շրջափելի:





# 2019-2020 ՈՒՍՈՒՄՆԱԿԱՆ ՏԱՐՎԱ ԿՐԹԱԹՈՇՈՇԱԿԱՅԻՆ ՖՈՆԴԻ ԵՎ «ԱՅԲ» ԴՊՐՈՑԻ ԽՈՇՈՐ ԲԱՐԵՐԱՐՆԵՐԸ



\* Այբական խաղերի և Ամանորի բարեգործական տոնավաճառի դրամահավաքներ



Այբ  
դպրոց

«Այբ» դպրոց  
Թբիլիսյան խճ. 11/11  
Երևան 0052, Հայաստանի Հանրապետություն  
094546498  
096500456  
[www.aybschool.am](http://www.aybschool.am)





